

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi prečišćeni tekst i 37/14 – Ispravka) i člana 47. stav (5) Zakona o šumama Kantona Sarajevo Sarajevo (“Službene novine Kantona Sarajevo” br. 5/13, 10/21 i 19/22) Vlada Kantona Sarajevo na sjednici održanoj 2022. godine donosi

ODLUKU O USLOVIMA I NAČINU PRODAJE ŠUMSKIH DRVNIH SORTIMENATA I NEDRVNIH ŠUMSKIH PROIZVODA

I. UVOD

Član 1. (Predmet odluke)

Ovom odlukom se propisuju se uslovi i način prodaje šumskih drvnih sortimenata i nedravnih šumskih proizvoda porijeklom iz državnih šuma na području Kantona Sarajevo (u daljnjem tekstu: Kanton) kao i obaveza transparentnog i tržišnog postupanja, ciljevi, način računanja minimalne cijene i nadzor nad njenom primjenom.

Član 2. (Pojam prodaje šumskih proizvoda)

Pod prodajom šumskih drvnih sortimenata i nedravnih šumskih proizvoda podrazumijeva se prodaja šumskih proizvoda pravnim i fizičkim licima na način i pod uslovima iz ove Odluke.

Član 2. (Ciljevi)

Ciljevi donošenja ove odluke su:

1. Razviti tržište drvetom, uspostaviti tržišne cijene i omogućiti svim zainteresovanim kupcima da pod istim tržišnim uslovima nabave šumske drvene sortimente i nedrvne šumske proizvode.
2. Izgraditi sistem prodaje koji isključuje nezakonite radnje i odlučivanje pojedinca kod izbora kupaca i određivanja cijena, te raspodjelu količina po kupcima.
3. Isključenje mogućnosti ostvarivanja „ekstra-profita“ jednog ili više kupaca po osnovu favorizovanih ili privilegovanih.
4. Obezbeđenje lokalnog stanovništva ogrjevnim drvetom,
5. U potpunosti razdvojiti administrativne od ekonomskih funkcija i omogućiti provođenje Zakona o šumama Kantona Sarajevo (“Službene novine Kantona Sarajevo” br. 5/13, 10/21 i 19/22).
6. Spriječavanje nelegalne aktivnosti i sankcionisanje iste.

II ŠUMSKI DRVI SORTIMENTI

Član 3. (Načini prodaje)

Prodaja šumskih drvnih sortimenata iz državnih šuma se vrši na slijedeće načine:

- A) Prodaja putem ugovora za sukcesivnu isporuku,
- B) Prodaja licitacijom,

C) Prodaja za potrebe mjesnog stanovništva – maloprodaja.

Na bazi godišnjeg plana proizvodnje šumskih drvnih sortimenata Kantonalnog javnog preduzeća za gospodarenje državnim šumama “Sarajevo – šume” d.o.o. Sarajevo (u daljem tekstu: Preduzeće) planira količine po načinima prodaje koje razmatra i usvaja Uprava Preduzeća najkasnije do kraja novembra tekuće godine za narednu poslovnu godinu.

Član 4.

(Uslovi za učešća pravnih lica u kupovini šumskih drvnih sortimenata)

Pravo učešća u kupovini šumskih drvnih sortimenata, imaju sva pravna lica koja spunjavaju slijedeće opće uslove:

- 1) Za prodaju putem ugovora za sukcesivnu isporuku - da posjeduju rješenje o upisu u sudski registar, dokaz o ispunjavanju uslova za obavljanje djelatnosti rezanja drveta, cijepanja drveta, polufinalne, finalne i hemijske prerade drveta, transakcijski račun kod banke, porezni i PDV broj.
- 2) Za prodaju licitacijom i prodaju visokovrijednih sortimenata - da ispunjavaju uslove navedene pod tačkom 1. ovog člana, ili da su registrovani za promet šumskih drvnih sortimenata i PDV broj.
- 3) Za sve načine prodaje - da nisu u sudskom sporu sa Preduzećem u vezi isporuke/nabavke drveta, da avansno plaćaju šumske drvene sortimente ili da obezbijede garanciju plaćanja, da nisu dužnici privrednim društvima u šumarstvu ili da su ranija neisplaćena dugovanja regulisali ugovorom o izmirenju duga odnosno da su uplatili sve dospjele rate po ugovoru.

Preduzeće je dužno kod propisivanja uslova prodaje uzeti u obzir slijedeće kriterije:

- Stepen finalizacije,
- Kapacitet prerade šumskih drvnih sortimenata,
- Ukupan broj zaposlenih prijavljenih radnika u poslovnoj jedinici koja se bavi rezanjem drveta kod potencijalnog kupca, a po zvaničnoj evidenciji kod nadležnog organa.
- Uslov plaćanja,
- procenat obaveznog preuzimanja učešća lošijih kvalitetnih klasa (jamsko, ogrijev, celuloza, gule) u odnosu tražene količine pilanskih trupaca,
- procenat preuzimanja F I L trupaca
- Izvozna orjentiranost kupca sa finalnim proizvodima od drveta ili prerađenim drvetom (sitno cijepanim).
- Ekonomski bonitet kupca (bankovna ganacija za ozbiljnost ponude),

U cilju zaštite domaćih drvoprerađivača – pod istim uslovima drvoprerađivači na području Kantona imaju prednost.

Posebne uslove prodaje, odnosno kriterije za rangiranje kupaca i procedure prodaje donosi Preduzeće internim aktom uvažavajući pri tome tržišne principe.

III. NAČINI PRODAJE

A) Prodaja putem ugovora za sukcesivnu isporuku

Član 5.

(Sukcesivna isporuka)

Ugovori za sukcesivnu isporuku šumskih drvnih sortimenata sklapaju se sa privrednim društvima registrovanim za primarnu, polufinalnu, finalnu, hemijsku preradu i cijepanje drveta koja ispunjavaju opće i posebne uslove prodaje.

Šumski drvni sortimenti koji se prodaju ugovorima za sukcesivnu isporuku su: F, L trupci, pilanska oblovina I, II i III klase, tt stubovi, sitno tehničko drvo, jamsko drvo, celulozno drvo, drvo za drvene ploče, ogrevno drvo i drvo za proizvodnju energije.

U slučaju elementarnih nepogoda, poremećaja na tržištu u ponudi i potražnji, kao i u slučaju pojave veće količine sanitarnih užitaka, Odlukom Uprave Preduzeća uz saglasnost Nadzornog odbora Preduzeća utvrdit će se količine drveta za celulozu i jamskog drveta koje će se prodavati putem neposredne pogodbe po cijenama iz važećeg Jedinstvenog minimalnog cjenovnika Preduzeća.

B) Prodaja licitacijom/javnim nadmetanjem

Član 6. (Licitacija)

Licitacija podrazumijeva prodaju određene količine šumskih drvnih sortimenata, putem javnog oglašavanja, a po kriteriju ponuđene najviše cijene.

Licitacija/javno nadmetanje se mora objaviti tako da je dostupno svim potencijalnim kupcima. Objavljuje se u najmanje jednom dnevnom listu koji se distribuira na teritoriji Federacije BiH, na web-stranici i na oglasnoj ploči Preduzeća, a provodi se na sljedeće načine:

1. pretprodaja,
2. naknadna prodaja,
3. prodaja visokovrijednih sortimenata.

Objava u dnevnim listovima može biti u vidu obavijesti o prodaji šumskih drvnih sortimenata sa informacijom da se cijeli tekst objave može naći na web-stranici i na oglasnoj ploči Preduzeća.

Pretprodaja - je prodaja svog drveta iz jednog odjela prije izvođenja radova po planiranom sortimentnom napadu. Krojenje, klasiranje i primanje drvnih sortimenata kod panja, te otpremu vrši Preduzeće. Preduzeće ili kupac vlastitim sredstvima ili angažovanjem registrovanog pravnog ili fizičkog lica za obavljanje djelatnosti u šumarstvu i koje posjeduju saglasnost nadležnog ministarstva izvodi radove na sječi, izradi, primicanju i privlačenju šumskih drvnih sortimenta.

Pored Kantonalne uprave za inspekcijske poslove - Inspektorata poljoprivredne, vodne i šumarske inspekcije - kantonalne šumarske inspekcije Preduzeće vrši nadzor nad poslovima sječe, izrade i izvlačenja šumskih drvnih sortimenata. Kupac preuzima sve sortimente po ostvarenom (realizovanom) sortimentnom napadu na šumskom stovarištu.

Naknadna prodaja - je prodaja šumskih drvnih sortimenata po klasama i mjerama na šumskom ili centralnom stovarištu, javnim nadmetanjem/licitacijom. Preduzeće se obavezuje da mora u toku godine minimalno 20% klasiranih šumskih drvnih sortimenata tehničke oblovine ponuditi naknadnom prodajom, odnosno licitacijom/javnim nadmetanjem na šumskom ili centralnom stovarištu i to u skladu sa godišnjom dinamikom proizvodnje. Takođe se i svo "deklasirano drvo" obavezno prodaje naknadnom prodajom - licitacijom.

Prodaja visokovrijednih sortimenata svih vrsta drveća se vrši po komadu (trupcu) i obavlja se putem licitacije/javnog nadmetanja.

C) Prodaja drveta za potrebe mjesnog stanovništva

Član 7.

(Prodaja mjesnom stanovništvu)

Ovim načinom vrši se prodaja šumskih drvnih sortimenata za snabdijevanje mjesnog (lokalnog) stanovništva drvetom za vlastite potrebe. Preduzeće će nastojati da udovolji svim potrebama lokalnog stanovništva ukoliko iste ne prelaze planirane količine predviđene šumskoprivrednom osnovom ili godišnjim planom.

Sljedeći sortimenti se mogu prodavati mjesnom stanovništvu i pod sljedećim uslovima:

1. Ogrjevno drvo na lokacijama:

- a) U šumi na panju (uzgojne sječe u visokim, visokim degradiranim i izdanačkim šumama i mjere njege u šumskim kulturama), odobrava se sječa kupcu uz prethodno odabiranje i obilježavanje stabala za sječu i nadzor od strane Preduzeća. Nakon izvršene sječe i izvlačenja iz šume do međustovarišta vrši se premjeravanje drveta od strane Preduzeća i uplata od strane kupca. Po izvršenoj uplati i predočavanju uplatnice od strane kupca drvo se može staviti u promet uz odgovarajući otpremni dokument.
- b) Na međustovarištu se ogrjevno drvo prodaje i stavlja u promet nakon izvršene uplate i predočavanja uplatnice od strane kupca uz odgovarajući otpremni dokument.
- c) Prostorno drvo iz redovnih sječa u šumi kod panja može se odobriti kupcu. Nakon izvršene sječe i izvoza oblovine, kupac će po uputstvu i uz nadzor Preduzeća izvršiti prikupljanje i iznos/izvoz prostornog drveta do međustovarišta gdje se vrši premjeravanje drveta od strane Preduzeća i uplate od strane kupca. Po izvršenoj uplati i predočavanju uplatnice od strane kupca drvo se može staviti u promet uz odgovarajući otpremni dokument.

Bliže procedure i ovlaštena lica od strane Preduzeća odredit će Preduzeće posebnim aktom (uputstvom).

2. Sitno tehničko drvo - (hmeljovke, kolje, stožine, bunarske motke, pulčevi i slično) na sljedećim lokacijama:

- a) U šumi na panju na isti način i po istim procedurama kao pod 1. a) ovog člana.
- b) Na međustovarištu na isti način i po istim procedurama kao pod 1. b) ovog člana.

3. Tehnička oblovina može se odobriti lokalnom seoskom stanovništvu za izgradnju objekata koji su potrebni seoskom domaćinstvu (kuća, staja za stoku ili pomoćni objekti) na lični zahtjev, u količini potrebnoj za gradnju planiranog objekta, a najviše do 15 m³, na sljedećim lokacijama:

- a) U šumi na panju iz sanitarnih sječa na isti način i po istim procedurama kao pod 1. a) ovog člana,
- b) Na međustovarištu na isti način i po istim procedurama kao pod 1. b) ovog člana.

Prodaja drvnih sortimenata mjesnom stanovništvu vrši se u skladu sa Planom odjela predviđenih za maloprodaju.

IV UTVRĐIVANJE CIJENA ŠUMSKIH DRVNIH SORTIMENATA

Član 8.

(Cijene šumskih drvnih sortimenata)

Prodajne cijene šumskih drvnih sortimenata utvrđene su u trenutno važećem Jedinostvenom cjenovniku proizvoda šumarstva i usluga Preduzeća, koji usvaja Nadzorni odbor Preduzeća uz predhodnu saglasnost Ministarstva privrede Kantona Sarajevo, a najmanje jednom godišnje vrši se korekcija cijena iz Cjenovnika.

Član 9.

(Odluka o smanjenju cijena)

U uslovima poremećaja na tržištu drvnih sortimenata, Preduzeće može u skladu sa članom 8. ove Odluke pokrenuti postupak smanjenju cijena drvnih sortimenata u sljedećim slučajevima:

- Ukoliko se prilikom objave prodaje drvnih sortimenata putem licitacije/javnog nadmetanja ne uspije prodati količina koja je planirana za prodaju u skladu sa članom 6. ove Odluke,
- U slučaju da se Ugovorima za sukcesivnu isporuku ne može prodati količina koja je predviđena ovakvim načinom prodaje i ukoliko nema interesa kupaca za preuzimanjem drvnih sortimenata,
- Ukoliko su cijene u okruženju tj. cijene u drugim ŠPD-ovima manje od cijena u preduzeću,
- U slučajevima kada se određene robe lageruju na stovarištima i kada nema potražnje od strane kupaca za iste, a da ne bi došlo do propadanja i deklasiranja drvnih sortimenata.

V NEDRVNI ŠUMSKI PROIZVODI

Član 10.

(Korištenje nedrvnih šumskih proizvoda)

Preduzeće daje na komercijalno korištenje nedrvne šumske proizvode iz šuma i sa šumskog zemljišta u državnom vlasništvu u skladu sa šumsko privrednom osnovom i po Jedinostvenom cjenovniku proizvoda šumarstva i usluga Preduzeća.

Nedrvni šumski proizvodi, a pripadaju biljnim vrstama koje nisu zaštićene daju se na komercijalno korištenje u Gospodarskoj jedinici kojom gazduje Preduzeće, po spisku nedrvnih šumskih proizvoda, koji obavezno sadrži: redni broj, latinski naziv, narodni naziv, korisni dio i način ubiranja.

Korištenje nedrvnih šumskih proizvoda se mora objaviti tako da je dostupno svim potencijalnim kupcima. Objavljuje se u najmanje jednom dnevnom listu koji se distribuira na teritoriji Federacije BiH, na web-stranici i na oglasnoj ploči Preduzeća. Objava u dnevnim listovima može biti u vidu obavijesti o prodaji šumskih drvnih sortimenata sa informacijom da se cijeli tekst objave može naći na web-stranici i na oglasnoj ploči Preduzeća.

Član 11.

(Nadzor)

Nadzor nad provođenjem ove odluke vrši Kantonalna uprava za inspeksijske poslove – Inspektorat poljoprivredne, vodne i šumarske inspekcije - kantonalna šumarska inspekcija.

Član 12.

(Stupanje na snagu)

Ova odluka stupa na snagu narednog dana od dana objave u “Službenim novinama Kantona Sarajevo”.